

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE**

**Služba za urbanističko planiranje, komunalne,
geodetske i imovinsko-pravne poslove**

Broj: 04-19-8243/24

Živinice, 18.12.2024. godine

Služba za urbanističko planiranje, komunalne, geodetske i imovinsko-pravne poslove Grada Živinice, na osnovu člana 131. Zakona o prostornom uređenju i građenju ("Službene novine Tuzlanskog kantona", broj: 6/11, 4/13, 15/13, 3/15, 2/16, 4/17, 22/22 i 20/23), objavljuje

JAVNI POZIV

za podnošenje prijave za učešće u radu Komisije za tehnički pregled u postupku izdavanja odobrenja za upotrebu građevina izgrađenih na području Grada Živinice

I - Pozivaju se zainteresirana stručna lica da podnesu prijave i dostave dokaze o ispunjavanju uslova za učešće u radu Komisije za tehnički pregled u postupku izdavanja odobrenja za upotrebu građevina izgrađenih na području Grada Živinice, iz oblasti kako slijedi:

- arhitektura,
- građevinarstvo,
- elektrotehnika,
- mašinstvo,
- geologija,
- geodezija,
- tehnologija,
- zaštita na radu (životna sredina, požar, eksplozija, sigurnost),
- sanitarna,
- saobraćaj.

II - Učešće u radu Komisije za tehnički pregled objekata izgrađenih na području Grada Živinice mogu ostvariti stručna lica koja ispunjavaju uslove iz člana 131. stav 4. Zakona o prostornom uređenju i građenju ("Službene novine Tuzlanskog kantona", broj: 6/11, 4/13, 15/13, 3/15, 2/16, 4/17, 22/22 i 20/23) i to:

- da su diplomirani inženjeri/bachelor inženjeri sa minimalno 240 ECTS bodova odgovarajuće struke,
- da imaju najmanje 5 (pet) godina radnog iskustva u struci,
- da imaju položen stručni ispit u struci.

Službena lica koja su učestvovala u postupku izdavanja urbanističke saglasnosti i odobrenja za građenje, kao i lica koja su učestvovala u izradi tehničke dokumentacije, reviziji glavnog ili izvedbenog projekta, gradnji i nadzoru nad gradnjom, ne mogu učestvovati u radu Komisije za tehnički pregled.

III - Uz potpisanu prijavu na Javni poziv, sa tačno navedenom adresom, brojem telefona i e-mail adresom, potrebno je priložiti dokumentaciju kako slijedi:

- CV (biografija) sa listom referenci,
- diploma o stečenoj odgovarajućoj visokoj stručnoj spremi u skladu sa tačkom I i II Javnog poziva (ovjerena fotokopija),
- dokaz o radnom iskustvu u struci u trajanju od najmanje 5 (pet) godina nakon stečene odgovarajuće stručne spreme, u skladu sa tačkom I i II Javnog poziva (original ili ovjerena fotokopija),
- uvjerenje o položenom stručnom ispitu u struci (ovjerena fotokopija),
- fotokopija lične karte,
- fotokopija ličnog transakcijskog računa,

- ovjerenu izjavu kojom podnosilac prijave izjavljuje da će blagovremeno pismenim putem obavijestiti Službu za urbanističko planiranje, komunalne, geodetske i imovinsko-pravne poslove Grada Živinice, radi izuzeća u radu u svojstvu člana Komisije za tehnički pregled, u slučaju da je u srodstvu sa investitorom građevine koja je predmet tehničkog pregleda, ili iz razloga navedenih u tački II Javnog poziva (primjerak Izjave objavit će se na Web stranici Grada Živinice, uz Javni poziv).

IV- Provjeru ispunjavanja uslova iz tačke II ovog poziva i sačinjavanje Liste kvalifikovanih stručnih lica za obavljanje poslova tehničkog pregleda građevina, obaviti će stručna komisija imenovana od strane Službe za urbanističko planiranje, komunalne, geodetske i imovinsko-pravne poslove.

Lista iz stava 1. ove tačke bit će utvrđena najkasnije u roku od 15 (petnaest) dana od isteka roka za prijavu na Javni poziv i objavit će se na Oglasnoj ploči i Web stranici organa uprave grada Živinice.

V - Služba za urbanističko planiranje, komunalne, geodetske i imovinsko-pravne poslove Grada Živinice, će sa Liste kvalifikovanih stručnih lica, povremeno, imenovati članove Komisije za tehnički pregled u postupcima izdavanja odobrenja za upotrebu građevina izgrađenih na području Grada Živinice, u zavisnosti od vrste i složenosti građevine koja je predmet tehničkog pregleda.

VI - Javni poziv ostaje otvoren 15 (petnaest) dana od dana objavljivanja u dnevnim novinama "Oslobođenje".

Neblagovremene i nepotpune prijave neće se uzeti u razmatranje.

Dokumentacija priložena uz prijavu se ne vraća podnosiocu prijave.

Prijave na Javni poziv, sa dokazima o ispunjavanju traženih uslova, dostaviti neposredno ili preporučeno na adresu:

**"Grad Živinice – Služba za urbanističko planiranje, komunalne, geodetske i imovinsko-pravne poslove,
Ul. Alije Izetbegovića broj 28, 75 270 Živinice"**

u zapečaćenoj kovrti, sa naznakom:

„Prijava na Javni poziv za učešće u radu Komisije za tehnički pregled u postupku izdavanja odobrenja za upotrebu građevina izgrađenih na području Grada Živinice - ne otvarati"

Dostavljeno:

1. Dnevne novine "Oslobođenje",
2. Oglasna ploča,
3. Web stranica,
4. a/a.-

Pomoćnik Gradonačelnika

Enes Glavinić, dipl.ing.